

**UGOVOR
ZA NABAVKU USLUGA
LOT – 2**

Štampa Studije društveno ekonomske opravdanosti uspostave holdinga JKP u Kantonu Sarajevo i Studije opravdanosti uspostave kogenerativnog postrojenja i postrojenja MBT otpada na području Kantona Sarajevo

1. „PRINTERPAPIR“ d.o.o. Sarajevo, Azize Šaćirbegovića 92, Sarajevo, koga zastupa direktor Amir Alajbegović, (u daljem tekstu: Pružalac usluga)
2. Sarajevska regionalna razvojna agencija SERDA d.o.o. Sarajevo, Kolodvorska 6, koju zastupa direktor Ševkija Okerić, (u daljem tekstu: Ugovorni organ)

I PREDMET UGOVORA

Član 1.

Predmet ovog Ugovora je nabavka usluga Štampa Studije društveno ekonomske opravdanosti uspostave holdinga JKP u Kantonu Sarajevo i Studije opravdanosti uspostave kogenerativnog postrojenja i postrojenja MBT otpada na području Kantona Sarajevo, u skladu sa potrebama Ugovornog organa, a zaključuje se nakon provedenog otvorenog postupka javne nabavke broj: JN-145/19.

Ponuda Pružaoca usluga br: 03-4/19 od 22.04.2019. godine i održane e-aukcije od 13.05.2019. godine je sastavni dio ovog Ugovora.

Član 2.

Ugovor se zaključuje na period od jedne godine od dana zaključivanja ugovora.

II CIJENA

Član 3.

Ugovorenu cijenu čine usluge iz člana 1. ovog Ugovora, bez uračunatog PDV-a 5.529,00 KM (slovima: Pethiljadapetstotinadvedesetdevet KM), a sa PDV- om 6.468,93 KM (slovima: šesthiljadačetiristotinešesdesetosam i 93/100 KM).

III NAČIN PLAĆANJA

Član 4.

Plaćanje za usluge iz člana 1. ovog Ugovora će se izvršiti na sljedeći način:

- plaćanje putem transakcijskog računa,
- rok plaćanja je 15 dana od datuma izdavanja računa.

IV ROK IZVRŠENJA

Član 5.

Pružalac usluga se obavezuje da usluge iz člana 1. specificirane u tehničkoj specifikaciji i Ponudi br: 03-4/19 izvrši u roku od jedan do tri dana od prijema narudžbe (zavisno od specificirane stavke) i isporući na adresu Naručioca.

V OBAVEZE UGOVORNOG ORGANA

Član 6.

Ugovorni organ se obavezuje da:

- izvrši obavezu iz člana 4. ovog Ugovora.

VI OBAVEZE PRUŽAOCA USLUGA

Član 7.

Pružalac usluga se obavezuje da:

- izvrši obavezu iz člana 5. ovog Ugovora, s tim da prije štampanja ukupne količine, prvi primjerak mora odobriti Ugovorni organ,
- ispostavi fakturu za izvršene usluge.

VII PENALI

Član 8.

Za svaki dan zakašnjenja Izvršilac se obavezuje da naručiocu na ime ugovorene kazne plati pet (5) promila vrijednosti neizvršenog dijela posla, a najviše 5% (pet posto) te vrijednosti.

VIII VIŠA SILA

Član 9.

Ako slučaj više sile, potpuno ili djelimično spriječi izvršenje obaveza po ovom ugovoru, ugovorna strana je obavezna da obavijesti drugu ugovornu stranu u roku od 7 (sedam dana) od nastanka više sile.

IX OSTALE ODREDBE

Član 10.

Sve eventualne sporove, ugovorne strane će rješavati sporazumno, u duhu dobrih poslovnih odnosa i uzajamnog povjerenja. Ukoliko se sporazumno rješenje ne postigne, nadležan je sud u Sarajevu.

Član 11.

Ovaj ugovor stupa na snagu kada ga potpišu obje ugovorne strane.

Pružalac usluga nema pravo zapošljavanja, u svrhu izvršenja ugovora o nabavci fizičkih i pravnih lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, nadležna za dodjelu navedenog ugovora o javnoj nabavci, 6 mjeseci po zaključenju Ugovora.

Član 12.

Sve izmjene ovog Ugovora mogu se vršiti isključivo i samo uz pismenu saglasnost ugovornih strana.

Član 13.

Ovaj Ugovor je sačinjen u 4 (četiri) istovjetna primjerka, po 2 (dva) za svaku ugovornu stranu.

Sastavni dio ovog Ugovora je Ponuda iz člana 1. ovog Ugovora.

Pružalac usluga
„PRINTERPAPIR“ d.o.o. Sarajevo
DIREKTOR

Amir Alajbegović

Broj: 119
Sarajevo, 05.08. 2019. g.



Ugovorni organ
SERDA d.o.o. Sarajevo
DIREKTOR

dr. Sevkija Okerić

Broj: UG-199/19
Sarajevo, 05.08. 2019. g.

